

《佛說無量壽經》 補充講表

◎附表三十二：以下糅合《佛說無量壽經甄解》

○修六和敬，常行法施，志勇精進，心不退弱。

※六和敬：外同他善，謂之為和。內自謙卑，名之為敬。

※和合有二義：一、理和：謂同證無為解脫。二、事和：謂戒和同修、見和同解、利和同均、身和同住、口和無諍、意和同悅。

○常行法施，志勇精進，心不退弱。

《大乘起信論》云：「云何修行進門？所謂於諸善事，心不懈退，立志堅強，遠離怯弱。

當念過去久遠已來，虛受一切身心大苦，無有利益。是故應勤修諸功德，自利利他，速離眾苦。」

《大乘起信論》云：「若人雖修行信心，以從先世來，多有重罪惡業障故，為邪魔諸鬼之所惱亂；或為世間事務種種牽纏；或為病苦所惱；有如是等眾多障礙。是故應當勇猛精勤，晝夜六時，禮拜諸佛，誠心懺悔，勸請，隨喜，迴向菩提，常不休廢，得免諸障，善根增長故。」

○因力，緣力，意力，願力，方便之力。常力，善力，：施戒忍辱，精進禪定，智慧之力。

※力：力用也，滅惡名力，生善名用，為菩薩的妙用。因力、緣力為一門，起修所依，過去所修一切善行，能生今善，名為「因力」；近善知識，聽聞正法，名為「緣力」。

※如理作意，名意力（即不忘念）；求菩提心，名為願力。

《佛遺教經》云：「汝等比丘，求善知識，求善護助，無如不忘念。若有不忘念者，諸煩惱賊，則不能入。是故汝等，常當攝念在心。若失念者，則失諸功德。若念力堅強，雖入五欲賊中，不為所害；譬如著鎧入陣，則無所畏。是名不忘念。」

※方便力：是七地菩薩隨機教化，利益眾生的種種權巧方便，亦即是方便般若。

修止成就，名為「定力」；修觀成就，名為「慧力」。

○施戒忍辱，精進禪定，智慧之力。

《大乘起信論》云：「以知法性，體無慳貪故，隨順修行檀波羅密。以知法性無染，離五欲過故，隨順修行尸波羅密。以知法性無苦，離瞋惱故，隨順修行羼提波羅密。以知法性無身心相，離懈怠故，隨順修行毗梨耶波羅密。以知法性常定，體無亂故，隨順修行禪波羅密。以知法性體明，離無明故，隨順修行般若波羅密。」

○何不力為善，念道之自然。

何不力為善者，勸修往生因，力者盡力，人聖國妙，詎不盡力，作善願生故。又力者力勵。道之自然者，修所得之利，因善既成不自獲果，故云：『念自然』。唯能念道行德著，不簡貴賤，皆得往生，故雲『著於無上下』。

道有二解釋：一、彌陀本願，是名他力大道。二、真如自性、法身。

*《大乘起信論》云：「諸佛如來，法身平等，遍一切處，無有作意故，而說自然，但依眾生心現。眾生心者，猶如於鏡，鏡若有垢，色像不現。如是眾生心若有垢，法身不現故。」

○著於無上下，洞達無邊際，

唯能念道行德著，不簡貴賤，皆得往生，故云：『著於無上下』。

若人信心清淨，則華開見佛，初生剎那，見佛聞法，隨意自在。故云：『洞達無邊際』。

○其國不逆違，自然之所牽。

《觀無量壽佛經疏妙宗鈔卷第五》云：「十界因果不離一心，而此一心是慈體，故十界苦集

四種道滅，能於一時任運與拔，故云：無心攀緣自然現益，如涅槃梵

行品文也。然彼經，如來凡說八事：一伏醉象。二降力士。三化盧至。

四度女人。五塗割瘡。六摩調達。七救群賊。八醫釋女。一一皆結云：

慈善根力，見如是事。今文云：我實不往者，即引第五塗割瘡文。」

《大般涅槃經》·梵行品卷十六云：「波羅奈城有優婆夷，字曰摩訶斯那達多，已於過去無量先佛種諸善根。……是時眾中有一比丘，身嬰重病。良醫診之，當須肉藥，若得肉者，病則可除，若不得肉，命將不全。……不能堪忍，即發聲言：『南無佛陀南無佛陀。』，於是女人起大慈心，是女尋見，我持良藥，塗其瘡上，還合如本。我即為其種種說法，聞法歡喜，發阿耨多羅三藐三菩提心。善男子！我於爾時，實不往至波羅奈城，持藥塗是優婆夷瘡。善男子！當知皆是慈善根力，令彼女人見如是事。」

○何不棄世事，勤行求道德；

道德者，前所謂道之自然也。道：體也，真心。德：妙用也，如信願行。